



KOMITETI SHQIPTAR I HELSINKIT ALBANIAN HELSINKI COMMITTEE

Nr. 378 Prot.

Tiranë, më 12 Maj 2025

Drejtuar: Komisionit të Ankimeve dhe Sanksioneve (KAS)
Komisioni Qëndror i Zgjedhjeve

Nga: Znj. Erida Skëndaj
Drejtoresh Ekzekutive
Komiteti Shqiptar i Helsinkit

Objekti: Ankim kundër vendimit nr. ____ datë 09.05.2025 të KSHZ për pushimin e hetimit administrativ për denoncimin nr. 90 me denoncues KSHH dhe të denoncuar Bashkia Fier.

Baza Ligjore: Kushtetuta e Republikës së Shqipërisë,
Konventa Europiane për të Drejtat dhe Liritë Themelore të Njeriut,
Kodi Zgjedhor,
Vendimi nr. 9 datë 24.12.2020 i Komisionit Rregullator,
Vendimit datë 06.11.2020 për miratimin e Rregullores "Për funksionimin dhe zhvillimin e seancave të Komisionit të Sanksioneve dhe Ankimeve".

Të nderuar anëtar të KAS,

Komiteti Shqiptar i Helsinkit (KShH), në kuadër të realizimit të misionit të tij statutor për të kontribuar në zhvillimin e zgjedhjeve të lira dhe të ndershme, me mbështetjen e koordinatorëve lokalë, po monitoron në terren dhe në mënyrë proaktive, procesin parazgjedhor për zgjedhjet parlamentare të 11 Majit 2025 në 13 Bashki të Republikës së Shqipërisë.

Në kuadër të kësaj veprimtarie, nga ana e KSHH është paraqitur përpara KQZ denoncimi nr. 90 kundër Bashkisë Fier për shpërdorimin e burimeve publike sipas nenit 91 të Kodit Zgjedhor dhe nenit 3 të Vendimit të KQZ nr. 9 datë 24.12.2020.

Me datë 09.05.2025 nga ana e KSHZ është vendosur pushimi i hetimit administrativ për këtë denoncim, pasi në opinionin e këtij institucioni nuk jemi para një veprimtarie të ndaluar.

Përpara se të ndalemi në analizimin e rrethanave në këndvështrim të ligjit, për të argumentuar vendimarrjen jo të drejtë të Komisionerit, po parashtojme rrethanat e rastit.

Konkretisht, në Bashkinë Fier është evidentuar që në njoftimin e datës 17.03.2025, mbi zhvillimin e mbledhjes së radhës së Këshillit Bashkiak me datë 27.03.2025 është futur në rendin e ditës për shqyrtim 1 projekt-vendim për dhënien e ndihmës ekonomike nga fondi i kushtëzuar 6% për muajin Shkurt 2025 (pika 3). Ky projekt-vendim është miratuar me vendimin e Këshillit Bashkiak nr. 29 datë 27.03.2025 (bashkëngjitur vendimi). Shkresa e njoftimit mban nr. 3274 protokoll dhe datë 17.03.2025, e cila është shpallur në faqen zyrtare të internetit të Bashkisë Fier (<https://bashkiafier.gov.al/u-realizua-mbledhja-e-kryesise-se-keshillit-bashkiak-fier-8/>). Bashkëngjitur gjeni dokumentin e cituar.

Sipas nenit 91 pika 4 të Kodit Zgjedhor dhe nenit 3 pika 3 të Vendimit të KQZ nr. 9 datë 24.12.2020 "Për rregullat për raportimin e veprimtarive me karakter publik të institucioneve



KOMITETI SHQIPTAR I HELSINKIT ALBANIAN HELSINKI COMMITTEE

publike, agjencive dhe/ose ndërmarrjeve shtetërore, kategoritë e veprimtarive të ndaluara, si dhe monitorimin e veprimtarisë, sjelljes dhe përdorimit të burimeve njerëzore, financiare dhe logjistike të administratës shtetërore para zgjedhjeve” parashikohet se: Katër muaj para datës së zgjedhjeve deri në formimin e qeverisë së re pas zgjedhjeve ndalohej propozimi, miratimi ose nxjerrja e akteve ligjore ose nënligjore, të cilat parashikojnë dhënien e përfitimeve për kategori të caktuara të popullsisë, të tilla si aktet që parashikojnë rritjen e pagave, pensione, mbështetjes ekonomike apo sociale, uljen ose heqjen etaksave, vendosjen e amnistive fiskale, privatizimin apo dhënien e pasurive a të shpërblimeve, etj., përveçse kur nisma kushtëzohet nga gjendje të fatkeqësisë natyrore.

Thënë kjo, një masë e tillë e marrë nga ana e Bashkisë Fier rreth 2 muaj para datës së zgjedhjeve, krijon indicie se një veprim i tillë bien ndesh me nenin 91 pika 4 të Kodit Rrugor dhe nenit 3 pika 3 të Vendimit të KQZ nr. 9 datë 24.12.2020, duke përbërë një veprim të ndaluar në fomën e “dhënies së përfitimeve për kategori të caktuara...”. KShH thekson se nuk është kundër dhënies së ndihmës ekonomike ndaj grupeve në nevojë. Fakti i cili përbën shqetësim dhe kërkon vëmendje ka të bëjë me kontekstin që po shfrytëzohet nga Bashkia Fier për të dhënë këtë ndihme ekonomike. Duke qënë me pak se dy muaj larg zgjedhjeve, një nismë e tillë ngre në dyshim të fortë që qëllimi i saj nuk është mbulimi i një problematike të caktuar sociale, por nëpërmjet kësaj nisme të kryhet një fushatë dhe reklamë e mirë për njërin krah partiak që rezulton të jetë edhe mbajtës i pushtetit ekzekutiv por edhe i pushtetit vendor nëpërmjet dominancës në Këshill Bashkiak dhe nëpërmjet Drejtuesit të Bashkisë. Një veprimtari e tillë jo më kot është ndaluar me parashikimet e Kodit Zgjedhor dhe Vendimit nr. 9 datë 24.12.2020 cituar më sipër dhe dëmton rëndë demokracinë, zgjedhjet e lira dhe të ndershme, si një ndër parimet kryesore të një shteti ligjor dhe të së drejtës. Sigurimi i zgjedhjeve të lira dhe të ndershme është një parakusht i domosdoshëm për garantimin që legjislatura e ardhshme do të jetë legjitime dhe do të mishërojë parimet demokratike me qeverisjen e saj.

Ndodhur në kushtet kur vendimi i Komisionerit akoma nuk është zbardhur dhe për të respektuar afatin ligjor të ankimit, paraqesim këtë ankim duke rezervuar të drejtën për të parashtruar kundërshtitë tona pasi të zbardhet vendimi i ankimuar.

Me respekt,

Erida Skëndaj
Drejtoresh Ekzekutive





REPUBLIKA E SHQIPËRISË
KËSHILLI I BASHKISË FIER

Nr. 3587/2 prot.

Fier, më 03.04.2025

VENDIM

Nr. 29 datë 27.03.2025

“Per dhenien e ndihmes ekonomike nga fondi i kushtezuar 6 %, per muajin SHKURT 2025”

Mbështetur në ligjin nr. 139/2015 “Për vetëqeverisjen vendore”, i ndryshuar, në ligjin nr. 57/2019, datë 18.07.2019 “Për Asistencën Sociale në Republikën e Shqipërisë”, V.K.M nr. 597, datë 04.09.2019 “Per percaktimin e procedurave, të dokumentacionit dhe të masës mujore të përfitimit të ndihmës ekonomike dhe përdorimit të fondit shtesë mbi fondin e kushtezuar për ndihmën ekonomike”, VKM nr.85 date 10.02.2021 “ Per nje shtese “, VKM 868 date 29.12.2021 “ Per disa ndryshime dhe shtesa ne VKM nr 597, ” Per caktimit te procedurave dokumentacionit dhe te mases mujore te perfitimit te ndihmes ekonomike dhe perdorimit te fondit shtese mbi fondin e kushtezuar ...” si dhe bazuar në VKB nr. 12 datë 31.01.2023 “Per miratimin e kriterëve per familjet ne nevoje qe do te trajtohen me ndihmen ekonomike 6% ...) Këshilli i Bashkisë Fier :

VENDOSI:

I. Të përfitojnë ndihmë ekonomike nga fondet e kushtëzuara për muajin **SHKURT 2025** gjithësej 48 familje me një fond prej 217,222 (dyqind e shtatëmbëdhjetë mijë e dyqind e njëzetë e dy) lekë .

II. Familjet përfituese sipas listës bashkangjitur.

Hiqen nga Ndihmë Ekonomike gjithësej 3 familje.

Emër Atësi Mbiemër	Nj. Adm.	Arsyeja
1. Ajete Ruki Lame	NjAdm.Nr.4	Do aplikojë sistem
2. Shkendi Hajdar Beqiraj	NjAdm.Nr.1	Do aplikojë sistem
3. Refat Beqir Agalliu	Nj.Adm. Portez	Do aplikojë sistem

Futen në Ndihmë Ekonomike gjithësej 2 familje.

Emër Atësi Mbiemër	Nj. Adm.	Arsyeja
1. Fiqirete Nail Hasani	NjAdm.Nr.1	Gjendje e dobët ekonomike
2. Ylvi Kadri Kuci	NjAdm.Nr.2	Gjendje e dobët ekonomike

III. Masa e pagesës për familjet përfituese të jenë sipas V.K.M nr. 597, datë 04.09.2019 "Per percaktimin e procedurave, të dokumentacionit dhe të masës mujore të përfitimit të ndihmës ekonomike dhe përdorimit të fondit shtesë mbi fondin e kushtëzuar për ndihmën ekonomike".

IV. Për vazhdimin e procedurave te metejshme ngarkohet Drejtoria e Shërbimit Social.

V. Ky vendim hyn në fuqi 10 (dhjetë) ditë pas shpalljes.

**KRYETAR I KËSHILLIT
ANTONETA ÇUNAJ**



